



UNIVERSITÄTS-  
BIBLIOTHEK  
PADERBORN

# **Universitätsbibliothek Paderborn**

**Catechesis Pverilis**

**Melanchthon, Philipp**

**Lipsiae, 1543**

**VD16 M 2628**

Peccat ne Dauid, cum ait, Perfecto odio oderam eos?

**urn:nbn:de:hbz:466:1-33561**

que pugnat cū ἐπιεικείᾳ, implacabilitas, ἀσογεία. Non esse misericordem. Gaudere in alienis malis. Non affici alienis bonis aut malis.

**P**eccat ne Dauid, cum ait, Perfecto odio oderam eos?

Non peccat. Nam irasci propter gloriam Dei, et amorem iustitiae, est uirtus, et quidem peculiaris et excellens motus est in sanctis uiris, inflammatis studio defendendae gloriae Dei, aut defendendae iustitiae, aut ira aduersus impietatem et turpitudinem. Hic impetus placet Deo, si cut Phinees propter zelum promittitur sacerdotium. Et 4. Regum laudatur Ichu, qui inquit, Vide zelum meum pro Domino. Et alibi dicitur, Zelus domus tuae comedit me, id est, exarsi magno impetu defendendae domus Dei. Hoc affectu Helias, Heliseus occiderunt impios, et prophetae maledicunt impijs, ut in psalmis appareat. In heroicis uiris est similis quidam impetus defendendae iustitiae, puniendae turpitudinis, tuendae reipub. etc. Hunc affectum philosophi uocarunt Nemesin. Et quanquam talis ira est heroica, nec simulari potest, sed est peculiare donum Dei, tamen Magistratus quantum fieri potest, talem zelum, et talem iram imitari debet. Sed tunc peccatum

F 5 tum

tum est irasci, cum priuata cupiditate incitati irascimur, uidelicet, non principaliter propter gloriam Dei, aut amorem iustitiae, aut odium turpitudinis, sed quia nobis commoda nostra eripiuntur, & interturbantur uoluptates. In talibus priuatis causis irasci, odiisse alios, incendi cupiditate uindictae, sunt peccata contra præceptum, Diliges proximum sicut te ipsum. Et Christus Matthæi 5. refert ad hoc præceptum, Non occides. Item iubet inimicos diligiri, & prohibet priuatam uindictam. Atque hic cauendum est, ne priuatis affectibus atq; odijs prætexatur species zeli, ut hypocrita & tyranni sepe faciunt. Postremo, in hoc præcepto considerentur comminationes & promissiones. Cominationes aliquas supra recēsui. Homicidia haud dubie punit Deus, etiam corporalibus pœnis, sicut ait Christ. Qui gladium acceperit gladio peribit, Et de Abel dicitur, vox sanguinis fratris tui clamat ad me. Econtrā proponamus nobis etiam promissiones, ut ad elementiam & cohibendam cupiditatē uindictae nos inuitent. Christus inquit, beati milites quia possidebunt terram. Item, Remittite & remittetur uobis. Et ecclesiastici 28. Aduersus uulscotentem Deus exercabit uindictam, et peccata illius seruabit. Item, remitte proximo qui tibi no-

bi nocuit, et tunc deprecanti tibi remittentur peccata. **I**n primis autem in Republica necessaria uirtus est cohibere cupiditatem uindictæ, quia ibi nisi interdum dissimulemus iniurias, existunt ingentes motus. **H**ic condonandæ sunt iniuria communi tranquillitati, sicut docet præceptum, **D**ilectio est uinculum integratatis, id est, ne dissoluatur Ecclesia. **V**alde laudatur Græcum illud præceptum, μὴ μυστικεῖν.

**Q**uomodo fit hoc præceptū, & quomodo placet Deo, & fit cultus Dei?

**O**mnia præcepta rescrieda sunt ad primū, Nam hoc sine omnia fieri debent, ut in ijs officijs Deo obediamus. Ita igitur fit hoc præceptum, cum prius fide statuimus, nos propter Christum placere Deo, et postea incipimus obedire Deo in his præceptis. Timemus Deum, nec uolumus eum offendere. Ideo abstinemus ab iniusta violentia, repugnamus iracundiæ, reprimitus odium. Et haec exercitia non sunt facilia. Ideo pijs in hoc certamine adiuuantur à spiritu sancto. Hæc inchoata obedientia et si procul absentia à perfectiōe, tamen propterea quia sumus in Christo, placet Deo, sicut et psalm. concionatur pijs,